

天尊言三塗九府一百二十酆都地獄有諸  
衆生不修真道死入長夜魂為下鬼沉淪惡  
趣慙歎而作頌曰

泠泠甘露滋 法味難思議 齋香流七真  
冥冥何生疑 受此法食者 生天登紫微

福田高巍巍 供施令清淨 一切有為事  
普皆成代命 拔汝三塗苦 施汝九玄慶

臨當受食時 諸天皆讚詠  
寒庭多悲苦 迴心禮元皇 女青靈寶符

中山真帝書 一念昇太清 再念歸太无

功歸九幽下 旋旋生紫虛

天尊曰施食與亡者不可思議是諸亡魂是  
男是女富比飽滿各得離苦解脫受生清涼  
蓮華座永得脫離是時

天尊重宣偈曰

功德不思議 行者膺福報 施與法食餐

永生安樂道

爾時

天尊說是偈已應諸所見地獄羣衆消散是  
諸幽魂隨願往生大慈大悲真人及諸法會

等衆咸皆歡喜踊躍五體投地作禮而退信  
受奉行

元始說功德法食往生經 終



太上玉華洞章拔亡度世昇仙妙經 章

解釋幽宰救苦拔罪洞章第一

爾時

元始天尊在玉清境上玄都山中登九色碧

霞寶座鳴金響玉晉集聖衆五老上帝十極

高真九天主宰三界元君十方得道衆真无

量天人齊同法會是時有一真人名通玄從

衆中越班而出執簡長跪稽首

天尊臣聞下世欲界衆生不窮正教各起邪

心竟生貪好貪高貪貴貪榮貪富貪財貪寶

貪業貪食貪傷貪害貪愛貪真貪戀貪心欺

恠憎嫌奸詐巧佞諂曲邪妄虛偽器浮光頑

妬毒十惡五逆惡心所棄棄貧棄賤棄修棄

善棄慈棄慙棄性棄命棄本棄真多貪多棄

无時休息所為人天難因鬼道易歸不親明

耀落墮陰關萬劫沉淪无有出離忽于衆中

貪生懼死者或以吞霞絕粒吐故納新屈伸

導引望達長生之路及至臨年以遭輪劫不

免亡身不係仙籍將過命終以歸地府如此

等人是何異因不成道果伏願

天尊為衆演說

天尊曰此等衆生只求利於己身眷屬不念濟物救於衆人志不守於一法心不除於十事通玄真人稽首再拜何為十事

天尊告曰一曰不敬天地忠于國主二曰不孝父母祭祀先祖三曰心懷詭曲妄起憎妬四曰姪亂敗亡終身不固五曰塵情不絕妄思禁辱六曰損人安己虐貧趨富七曰殺害生命屠割痛苦八曰吞啗葷腥飲食酒肉九曰輕師慢法心生嫉毒十曰誑惑至真指授迷路緣此十事不離身心三業自種十惡心生向正法中盡生分別所以不得長生之路脫死之門失于陽道落向幽關通玄真人曰臣聞幽關長夜之府在于鬼地深淵羅酆所主中有魔王六洞神君十二小洞三官九府百二十曹一十八獄二十四獄三十六獄八十一獄百二十獄如此大獄山高三十六萬里山根入水三十六萬里向于其下考對罪魂風雷霹靂飛戈飄戟火鬚千重鐵圍萬仞金槌鐵杖冰鋒霜刃銅柱鐵輪毒蛇猛獸刀

山劍樹冰池火車鑊湯碓磨黑闇銘解犁耕萬般受苦無時暫停未劫幽冥不捨晝夜苦痛之聲衝震天地不可忍聞此一境罪魂无有解釋仰望

天尊特垂哀憐之心普為救拔

天尊曰幽冥之間先亡後喪一境罪人在于陽道時死生不避勞力用心自迷自執自頑自愚自拗自扭自羅自網自縲自縶自繫自縛自殘自害自損自壞自意自行積孽甚多數不可窮死當諸獄罪刑苦痛此非地獄所招皆是衆生自作自受通玄真人曰唯願天尊大慈大悲威光暫放下徹羅山赦諸罪魂出離幽暗得證人天歸崇大道得見仙風又緣在地衆生運劫消磨水旱災荒兵戈盜賊疫毒流行兆民死傷六道輪迴无有休息

伏願

明

天尊曰吾有玉闕金文秘于玄都上館下凡不聞可以上消天災中證一身下獲鬼禍斷

絕統牽長生久視脫離長夜超騰陽天吾當為汝開釋明通道矣

有无動靜陰陽化生洞章第二

有无動靜化生根源陰陽混合恍惚為門神為化本氣是生因剛柔順逆内外浮沉含英構精故乃化生混沌自然浩劫圓靈含霄籙氣火象開明動極成炎靜極成泉陽燿陰吹有无合元四時長育二氣斡旋春木孕火為夏紅炎秋金育水為冬清泉上下相應復化生源五運聲聞離合根元陽胞陰胎守固以神神為化本氣是生因神為心本心以意從萬神寂靈真氣彌盈千原成一共守玉瑛陰魄洪化陽魂秉生九變十合金闕暈聯水為太一形若含蓮化生大神玉好精延太空九氣中有玉淵湛境納象星斗內躔亦明開圖用週自然箕迴斗歷真氣上元八景冥合杳入玄泉玄為神母陰使陽官有无長育動靜洪纖以否調泰以地合天左付于右後極于先至道之機太空无關真一等空化生之鮮化極而變變極而玄玄中真皇同一太和萬

氣齊為白雲之門有氣如泉養育涇源大量  
玄玄

三華始分保胎護命洞章第三

天地未生元氣肇始九十億劫三氣混倫九  
十大劫三華始分五老補胎三元育魂道用  
神化自然成真太冥分分大道隱存倏忽應  
化是生精神神為物靈混純斯成內外相合  
二象淳停以白付赤陰陽合併以赤付黑胞  
胎乃疑中有太虛耀明三清神空栽栽元氣  
照明內有靈童出玄入青紫胞解帶瑩然真  
形仙玄脫胎產育神英威儀同化杳杳冥冥  
冥中之精至真之神有神能光有神能明有  
神能立有神能生有神能榮有神能清建于  
人物三華妙庭紫閣朱官胎光爽靈潛伏瓊  
根細微泰寧中有保胎叔火之君中有變嬰  
和菟之神中有司男伯華之君中有雲房在  
庭之真男呼孟非女呼子宜元胎鍊就百福  
來綏保粹成真无念无為

天地生成二儀離合洞章第四

太始初生真中杳冥元物化就紫雲來迎圓

化歸真黃人降靈元老持符三界開明天清  
地寧純陽以生威神以靈萬物以成乾氣左  
蹇彌光右盈天垂彩耀地踔玉瑛乾坤靜默  
洞慧洞清景耀現明赤甲陽旌參尾警前育  
魂利真飛吸張奏樂道為備九天八極大劫  
交周建植元命分布九丘太初極于陽九太  
素極于陰六為變志真布化无憂左嘯黃童  
右迎地神陽健陰輝元精化一二儀昇降和  
合自然四時順德造育志愆百靈協化萬物  
咸昌風俗淳厚尊崇洞章五行運泰其體真  
常能冥能光能存能亡知而行此驅陰用陽  
外榮恢範內守天玄內外忘機符合真詮元  
皇太極妙道微玄帝熙特鑰啓闢天門金真  
朗郁流響靈鸞玉音攝氣靈風聚煙紫芝育  
秀結化胎仙

五行備足生靈壽域洞章第五

天地始分大道要妙三才運用五行靈蘊周  
天氣者六期為之大成終地紀者五歲為之  
小成五行滋茂瑞氣平正人无夭傷得全天  
年所為吉昌正宮正徵為太一少宮少徵為

太素五行平正則陰陽无剋陽法順施則長  
生不死元化饒郁則生死出入羽化成仙默  
合道體五星之晶感降真形運氣備足至道  
騰昇五氣之運補缺平騰續紀延年運極化  
源知生之機得道之本五行昌泰數極于九  
九化為一一化為九滋而成一无過不及金  
木相生水火既濟一氣充盈慧性生源合和  
四象九載登真出幽入寂化育生成五氣安  
鎮永保昇平高天澄清大地安榮心向至真  
咸獲登瀛存亡受慶十迴度人太清寥廓妙  
範氤氳同一彌光照玄深根神一浮景太華  
生音三玄降伏有炁有象瑞相生祥陰復陽  
明太素正一開度生圖高上耀榮普授天恩  
碧簡鳳篆丹篆龍書魏魏玄京靈雷雲車太  
微妙境真聖之居

神變炁化无極无窮洞章第六

神化无窮炁化无極知道顯然正一神氣得  
其妙用坎離媾合陰陽和平神不離身真氣  
內榮神不離體長生久視內循靈境外出塵  
高氣化齊遷遊宴玉京神氣相守結化成嬰

內景調泰金池玉露神識超越一氣同昇神  
乃九真氣化九宮元潔太素同明妙本得遇  
元功為神太妙為真太靈符一萬氣天清地  
寧為道之機為道之生種種妙真境瑛瑛  
子母慶會朝現三清陽神為天陰氣為泉太  
極无色太始藏詮杳杳冥冥天地湛然无形  
无名萬象生成獨立太空混合萬靈布化无  
窮生育萬有把握演濛濛仙宮始見春風  
朗然自應名曰至神三界仙人諸天雲峯神  
化週流皆由道存此道秘奧得之乃真

存亡混合鍊炁變仙洞章第七

鍊炁變仙最上妙道識道亡言太清太明炁  
柔炁剛炁方炁圓炁冲炁達炁鮮炁榮言无  
華綺口无惡聲以氣合道以道合真百神會  
聚瑞氣綿綿五臟六腑出有入无玄之又玄  
淒淒未求氣化為神五老侍衛三元幹旋條  
蕩九醜炁極通元太真妙範我炁非物能生  
衆物我炁无情能化有情炁為道母炁為大  
神動而為有靜而為玄萬物造化智蠢賢愚  
上宰下官皆從道育應時胎仙洪造胚暉隨

炁所感炁妙相傳若亡若存虹霓池日澤  
蕪淵養育贊化瑞色高懸神遊靜境樂道仙  
源

水火騰臨長生久視洞章第八

道本玄奧生而不滅久視不衰然而无祠洞  
照三界流通死生視之不見聽之不聞搏之  
不得乃謂窮乎无窮極乎无極也論其至微  
而不可欺得其利用灑灌天池長育周濟生  
道无遺水底挑燈倒行逆施返老成嬰達者  
獨馳拙於攝養智難管窺汎濫淪溺上聖垂  
慈救度傾覆與脫險巖善於取用妙發玄機  
陰日添火五行未虧火之彌晦而不可損至  
真之火明榮經躔及其電燦光于九天上善  
加佑无黨无偏身值劫火火中生蓮靜防躁  
進豈與物諠陽恐陰撓有害靈詮達茲至遠  
長育齊肩昧者滋感焚和燬安如蛾自赴竟  
不迴瞻  
上帝矜憫糜爛重痊萬不失一連觀妙玄陽  
時加大長生自然知斯二者潛精內默洞觀  
陽天无生死中真境自現道與神合願應通

玄道本无為道本新鮮迴骸起死以氣能元  
天光入身求劫幽玄

超死脫生證凡成聖洞章第九

妙道玄微能免生死不入流浪不居艷景不  
染凡華不歸名利不去貪求不起憎愛不生  
妄想不生思念斷除死尸能起生門太一通  
靈五行氣聚四象齊生黃庭大帝真境清清  
玄元具寶灌頂充盈浮沉上下長保利貞百  
魔束伏群妖縮形靜寂常寂百神隨行周天  
甲子細審精誠北府除記南簡標名左持金  
策右持玉瑛鸞鶴天仙來往騰昇形神安靜  
浩渺開明至道永固三魂現靈坎離交泰養  
就仙胎證凡朝聖通玄真人稽首拜謝臣等  
感荷慈恩開明諦授衆真敬禮國泰民豐鄧  
幽靜默三界歡欣通玄真人啓白衆聖今日  
幸遇師傳第授各生虔奉轉誦真經功不可  
窮若有得遇玉華靈文轉念者先當清心靜  
意齋沐焚香禮拜十方各令三過然後面東  
平座集神定志誦經一遍免禍不生誦經十  
遍萬邪歸正誦經百遍神恩欽承誦經千遍

得係長生誦經萬遍上超九祖下歷七玄終  
證一身永為天宮在世不忘信受奉行

太上玉華洞章拔亡度世昇仙妙經終

敎傳授經事

汾州天寧萬壽觀本唐之開元觀乃閣鍊  
師所居之地也鍊師發揮至德演暢玄風  
真得道之奇士也迄今四百餘年有唐宋  
批詔閻公歌詠刊之于石可考而知緣兵  
火之後羽衣蕭疎皇統二年冬道衆相顧  
而歎曰寧元愧於先公鍊師手近闕孝義  
西郭有杜長春者蓋未冠童子牧羊得遇  
仙真一夕豁然頓悟若夢者覺醉者醒談  
說以幽微教諭以詩詞書翰若龍蛇至于  
書符呪水以愈疾病遠近聞其風而悅之  
欲請本觀住庵行化以光先師使教門復  
振不亦可乎道衆咸喜及同慕道之士於  
觀後創建一庵延以廊廡植以松竹就茅  
義邀請長春住庵行化次年上元設醮趨

赴者僅千人惟杜長春暇日因語道衆曰  
余有

太上真經一卷未行於世今欲傳授爾等  
其經讀之上消天災中證一身下穰鬼禍  
救苦拔罪長生久視乃修真得道之旨也  
道衆皆悉忻林願聞其詳於二月真元節  
設醮請經以為信受至三月上巳節設醮  
傳授經一卷名曰  
太上玉華洞章拔亡度世昇仙妙經書于  
縑帛約三千餘言敎以九章又次真人靈  
符神呪付之卷末是日香華畢集迎詣太  
霄殿  
三清聖位前傳讀合衆跪聽頂戴莫不願  
為終身誦之者遂命工鑄板印造作帙遍  
呈奉道之士以廣其傳爾

太上三洞神呪卷之一

雷霆祈禱策役諸呪

金光神呪

天地玄宗萬氣之根廣修萬劫證吾神通三  
界內外惟吾獨尊體有金光覆映吾身視之  
不見聽之不聞包羅天地育養群生受持萬  
遍身有光明三界侍衛五帝伺迎萬神朝禮  
役使雷霆鬼妖滅盡精怪亡形內有霹靂雷  
神隱名啼發啞嚙噴噴噴噴噴噴噴噴噴  
啞嚙啞嚙啞嚙啞嚙啞嚙啞嚙啞嚙啞嚙啞嚙  
啞嚙啞嚙啞嚙啞嚙啞嚙啞嚙啞嚙啞嚙啞嚙  
啞嚙啞嚙啞嚙啞嚙啞嚙啞嚙啞嚙啞嚙啞嚙  
覆護真人

大金光神呪

混沌浩蕩一炁初分金光正炁號為玉清元  
始定象自然至尊青白交射始立上清七寶  
宮內玉宸道君三炁化結動耀太清祥雲瑞  
殿五靈老君中央黃炁玉帝化生六波天主  
梵炁天君丹霞碧落雷祖有神三境內外萬  
聖千真三十二帝四府萬靈五方五老日月  
泰生輝光交耀分立乾坤清炁上騰濁炁下